



Na osnovu člana 35. stav 3. Zakona o zdravstvenom osiguranju ("Službene novine Federacije BiH", broj 30/97 i 7/02), Vlada Federacije Bosne i Hercegovine donosi

ODLUKU

O IZMJENAMA I DOPUNAMA ODLUKE O UTVRĐIVANJU PRIORITETNIH VERTIKALNIH PROGRAMA ZDRAVSTVENE ZAŠTITE OD INTERESA ZA FEDERACIJU BOSNE I HERCEGOVINE I PRIORITETNIH NAJSLOŽENIJIH OBLIKA ZDRAVSTVENE ZAŠTITE IZ ODREĐENIH SPECIJALISTIČKIH DJELATNOSTI KOJE ĆE SE PRUŽATI OSIGURANIM LICIMA NA TERITORIJI FEDERACIJE BOSNE I HERCEGOVINE

I.

U Odluci o utvrđivanju prioritetnih vertikalnih programa zdravstvene zaštite od interesa za Federaciju Bosne i Hercegovine i prioritetnih najsjloženijih oblika zdravstvene zaštite iz određenih specijalističkih djelatnosti koje će se pružati osiguranim licima na teritoriji Federacije Bosne i Hercegovine ("Službene novine Federacije BiH", broj 8/05 i 11/07), u Poglavlju PRIORITETNI FEDERALNI PROGRAMI ZDRAVSTVENE ZAŠTITE, u tački II., u alineji h), riječi: "stradalnika Domovinskog rata" se brišu.

U tački III., u naslovu alineje h), brišu se riječi: "stradalnika Domovinskog rata".

U tački III., alineja h), u stavu 1. brišu se riječi: "stradalnika Domovinskog rata".

II.

U tački IV., Poglavlja PRIORITETNI NAJSLOŽENIJI OBLICI ZDRAVSTVENE ZAŠTITE, iza tačke 7.2., dodaju se nove tač. 7.2a. i 7.2b., koje glase:

"7.2a. Transplantacija jetre sa živog davaoca

Kod transplantacije jetre sa živog davaoca obezbjeđuju se slijedeće usluge: tipizacija tkiva, priprema za eksplantaciju i transplantaciju jetre u ovlaštenim zdravstvenim ustanovama u Federaciji.

7.2b. Transplantacija jetre sa kadavera

Kod transplantacije jetre sa kadavera obezbjeđuju se slijedeće usluge: tipizacija tkiva, pripreme za eksplantaciju i transplantaciju jetre u ovlaštenim zdravstvenim ustanovama u Federaciji."

III.

Ova Odluka stupa na snagu narednog dana od dana objavljivanja u "Službenim novinama Federacije BiH".

V broj 348/07
13. juna 2007. godine
Sarajevo

Premijer
dr. **Nedžad Branković**, s. r.